



Aningaasaqarnermut Ataatsimiititaliap suliaq nr. 01.31.06/09-00400 pillugu tallimangornermi ulloq 20. februar 2009-mi aalajangiinera pillugu Naalakkersuisunut ilisimatitsineq.

Ukiup ataatsip qaangiunnerani misissuineri paasineqarpoq akiliisinnaajunnaarluni unittoorneq pissutigalugu Ilulissani ilinniartut inaat amigaatillit

Naalakkersuisut inassutigaat,

- kontomi pingaarnermi 84.40.15-imi Ilinniartut inaannut tunngasumi, suliassamut nr. 120.52.044-mut, Ilulissani ilinniartut inaanni amigaatinut tunngasumut, aningaasaliissutit 875.000 koruuninik amerlineqassasut, aamma suliassamut nr. 996.52.041-mut, Ilinniartut inaannik pilersarusiornermut tunngasumut, aningaasaliissutit 875.000 koruuninik ikilineqassasut.

Aningaasaqarnermut Ataatsimiititaliap oqaaseqaatai

Ilulissani ilinniartut ineqarfiinik ukiup ataatsip qaangiunnerani misissuineri kukkunerit amigaatillu paasineqartut iluarsineqarnissaannut 875.000 kr.-it Naalakkersuisut siuliami matumani qinnutigaat. Entreprenørip sillimasiissutaa aqutigalugu imaluunniit aningaaserivimmi kontomi matoqqasumi siunertamut immikkut pilersinneqarsimasumi taamatut iluarsisassanut atugassatut aningaasat nalinginnaasumik pigineqartarput. Pisumili matumani pineqartumi entreprenøri akiliisinnaajunnaarpoq, taamaattumillu kukkunernik iluarsinissamut aningaasartuutit taassuma akilersinnaanagit. Tamatuma saniatigut kukkunernik iluarsinissamut aningaasat kontumut immikkut immikkoortinneqaqqaartut kukkunerit amigaatillu iluarsineqarnerannut atorneqareerput. Taamaattumik aningaasat siunertamut atugassat Aningaasaqarnermut Ataatsimiititaliamut qinnutigineqarnissaat Naalakkersuisut pisariaqartutut isigisimavaat.

Sanaartornermi aningaasartuutininut siumut naatsorsuutigineqariinngitsunut aningaasanik immikkoortitsisoqareersimassammat aningaasallu iluursaanissamut atugassanngortineqartut atorneqareermata sanaartornermi kukkunerit amigaatillu annertoorujussuusimasasut Aningaasaqarnermut Ataatsimiititaliaq suliaq pillugu ulloq 20. februar 2009-mi ataatsimiinnermini siullermi isummerpoq. Taamaattumik sanaartornermik nakkutilliineq naamaginarsimanersoq apequtigissallugu ataatsimiititaliaq tunngavissaqarsorisimavoq. Tasunga ilanngullugu sanaartornerup ingerlanneqarnerani nakkutilliisoq sanaartornerup ajornartorsiutitaqarneranik kallerisaarisimanersoq, taamaassimappallu qanga tamanna pisimansersoq paasisutissiissutigineqassasoq Aningaasaqarnermut Ataatsimiititaliamit kissaatigineqarpoq. Aammattaaq nakkutilliisoq suliassaminik naammaginartumik isumaginissimansersoq, taamaassimangippallu nakkutilliisoq aningaasanik taarsiissuteqaqqullugu piumasaaqateqarfigineqarsinnaanersoq nalilerneqassasoq Aningaasaqarnermut Ataatsimiititalia-

mit kissaatigineqarpoq.

Apeqqutunut siuliani allassimasunut Naalakkersuisut akissutaata utaqqineqarnissaa siu-
nertaralugu Naalakkersuisut inassuteqaataannut isummerfiginninnissaminik kinguartitsini-
ni Aningaasaqarnermut Ataatsimiititaliap ulloq 27. februar 2009-mi allakkatigut Naalak-
kersuisunut ilisimatitsissutigaa.

Suliami matumani sumiginnaasoqarsimasoq takusinnaasimanngikkitsik, kisiannili ajutoor-
nerit ataatsimut pisut ajuusaarnartuummata entreprenørit siunnersortillu nalinginnaasumik
taarseraannerujussuanni akornutissat pilersimasut akueriinnartariaqarsimallugit apeqquti-
nut siuliani taaneqartunut akissuteqaamminni Naalakkersuisut paasissutissiissutiginninne-
rat Aningaasaqarnermut Ataatsimiititaliamit tusaatissatut tiguneqarpoq.

Aningaasaqarnermut Ataatsimiititaliap aalajangiinera

Allassimasutut oqaaseqaateqarluni Naalakkersuisut inassuteqaataat Aningaasaqarnermut
Ataatsimiititaliamit **akuersissutigineqarput.**

Inussiarnersumik inuulluaqqusillunga

Augusta Salling
Aningaasaqarnermut Ataatsimiititaliap siulittaasua